



許太常歸田稿卷九目錄

七言律詩

送李近台侍御得告還南昌

送李臨淮秀巖襲爵入京

同春園賞菊

送甯上舍

甲戌除夕

輓李臨淮

謝南昌諸君贈詩

送蔣御史

贈周在春

送余婿

送朱婿

秋日書懷



秋望答雒山

輓徐聯江

送武大尹

乙亥除日書懷

送武大尹致仕

答陳暨陽憲副

寄朱明虹太守

寄文休承

答余太史

立夏前一日謝諸老

携酒枉顧

天逸閣為皖溪叅政

作

送岨峽張中丞赴保

定

除日始雪口占四韻

除日喜雪次阮僉憲韻

歲首述懷

送蔣太守

壽王小石太僕

送姚大名入京改選

送趙戶部考績

送萬太常謝政還南

昌

賞牡丹次武十老韻

送陸工部

首夏邀王氏弟兄及

林甥城南泛舟自聚寶直抵中河

送元兒進茶

壽洞庭吳老

送王吳二舉人

題龍江圖

送人入道

題方比部新園

送姚子赴謫桂陽

贈鄒尹調官

九日遇雨簡阮老

答朱東源侍郎

丁丑除日

送余太史還京

喜晴

春寒

贈石湖王太僕

贈余都司

壽文休承

輓徐兩山

贈鄧醫

送施仲子

送陳抱冲

園屋初成雪中喜賓

竹見過

臘日苦患目青淚辰

小愈有作

已卯元日大雪次日

不止

送鄭考功二首

送甘子赴臨安

壽顧小川七十二首

寄顧方壺

桃花塢赴小岡之約

已卯端午薛子邀飲枕流閣

芝臺

送高羅二主考事竣

還朝兼謝枉顧

送于存素會試

送天叙會試

送王爾祝會試

送陳純甫會試

壽余母八十

送李蒲溪提學

贈呂君思

和景山錢尚書自壽二首

蔡安里携乃子述之過訪

武小湖邀飲郊南僧院

元配陳宜人哀詩

凡四首

寄宋工部

送趙太守赴武定

送王和石吏部擢河南學憲

簡姚鳳麓還家

謙齋膳部過別適中

宇憲廳至留飲小樓有作

寫真戲題

新年次金白嶼韻

正月十三日雪喜王氏兄弟見過

上元感事

送宋膳部考績北上

喜歐工部至邀在衡元白同坐

送天叙讀書園中

送天慶讀書寺中

贈洞山陳明府

二月十五日大雷

送劉中丞赴貴州

送馮咸甫殿試兼謝

贈詩

送馮通府赴瑞州

贈馬玄臺醫士

寄答何古林宗伯二

首

和明河草堂小集韻

送郭侍御謫江山

謝大鴻臚方新渠舊

寅丈枉顧

贈游山人

方新渠公邀飲齊園

送王升寰歸天台

癸未元旦

輓賈大尹

送汪九臯

壽金白嶼九十

壽皇甫兄

方鴻臚邀同歐工部話別以小恙未赴詩

以謝之

送歐工部

工部有詩留贈依韻奉答

寄懷郭方伯麓池

送吳給事守衛輝

題余太史溪雲閣

送舒繼峰侍郎

題林評事菊花

贈孫術士

送陳純甫赴江山令

春日同方新渠太常趙澱陽宮論飲莫愁

湖堤上

恒兒拜官上林志喜

二首

八十自述四首

二首

八十一首

春日同丈僚集太常賦藻別宮館煇莫戀

送刺繡南法玉山令

與林信事藤芬

觀新泚士

與余太史彩雲閣

送徐繼華封頂

寄謝馮文白齋出

送吳餘南守滬

工陪育菴留韻亦韻奉答

許太常歸田稿卷九

共三十一首
振錄西
蕭先志

上元許穀仲貽著

七言律詩

送李近台侍御得告還南昌

清朝柱史盛才名校士南來仰鑑衡偶以微病

陳短疏遂承溫旨別留京案辭塵牘形先逸坐

養玄田體自平驄馬入山非久駐黑頭須展濟

時情

送李臨淮秀巖襲爵入京

元勲令裔似君稀。文武全才衆論歸。問寢向來
趨幕府。襲封今去謁彤闈。朝天好執家傳玉。直
禁曾裁帝賜緋。華國安邦雙美在。西平門闕倍
光輝。

同春園賞菊

江南種菊說王孫。千樹齊開玉女盆。看去分明
皆異品。移來元自有靈根。節臨霜露鋪瑤席。人
對芳菲送綠尊。盛賞希逢還卜夜。風流今日在
朱門。

送甯上舍

高堂此日念斑衣。佳士揚帆別舊畿。回首賢關
辭勝侶。到家春酒獻重闈。山中未許神蛟卧。日
下行看彩鳳飛。老我論文如不愧。幾時重問釣
魚磯。

甲戌除夕

閨餘春淺雪仍飄。守歲長筵又此宵。架上貂裘
寒更着。爐中木火夜頻燒。徘徊暮景梅千樹。留
戀殘更酒一瓢。笑對盂光看四世。百年何恨老

漁樵

輓李臨淮盱山

早承高爵盛威名。管鑰新持奠舊京。長劍尚思
行絕塞。大星俄報落前營。運籌能遣江濤靜。仗
鉞曾聞漢水清。拊髀只今求李牧。訃聞應是軫
皇情。

謝南昌諸君贈詩

豫章才子結詩壇。藻翰翩翩勝建安。別後定懸
徐孺榻。書來猶問子陵灘。珍圖寫出烟霞動。秀
句題成錦繡攢。虛度稀齡勞寵贈。陽春滿眼和
應難。

送蔣御史

駐史乘驄奠舊畿。威行江表羽書稀。天邊報命
趨皇極。闕下陳言對紫微。英主正求忠鯁士。直
臣能補袞龍衣。往來莫道逢炎月。自有霜花滿
路飛。

贈周在春

銀臺仙去罷談玄。訪舊勞君到野泉。美質允宜

稱國秀。高文應是得家傳。草堂會面憐今雨。藝苑論交愧暮年。接武延芳知不遠。佇看鵬鷲在秋天。

送余壻

遠奉重闈入上京。早酬金馬望雲情。莫言從宦非吾土。須信登仙是此行。獨立不談溫室樹。合歡先試大庖羹。絲綸世掌須英俊。願爾重標玉署名。

送朱壻

早歲曾藏數萬兵。妙年分闈拜恩榮。旌旗影出金陵市。鼓吹聲連鐵甕城。坐處貔貅遵紀律。到時江海看澄清。亦知燕頷封侯近。未許班超獨擅名。

秋日書懷

日月催人去若流。還家二十五回秋。堂開綠野慚元老。瓜種青田學故侯。天外又驚鴻鴈至。山中偏愛白雲留。生憎毒熱便新爽。翻恠當年宋玉愁。

秋望答雒山

火雲纔散碧雲流。蓬鬢那堪更入秋。白社欲尋
非故舊。朱門新起盡王侯。講經臺古花曾落。鑄
劍城荒迹尚留。興廢滿前何處寫。菊花杯裏暫
銷愁。

輓徐聯江

當年投筆似班超。擬勒燕然答聖朝。篋裏陰符
全未試。門前大樹已先凋。傳家有子藏孤劍。叩
戶無人問六韜。可惜英雄呼不起。空餘豪氣上

衝霄

送武大尹

江上風波動客愁。清時謫宦出南州。不堪赤縣
凋仍敝。可惜慈君去莫留。豈有苞苴通暮夜。依
然琴鶴伴孤舟。年來瓜地寬租賦。爲謝多情念
故侯。

乙亥除日書懷

明日年登七十三。催人雙曜肯停驂。眼前好景
真須惜。身外浮名久不談。巢父故宜栖穎上。盧

生何用隱終南歸來喜聽輪迴說且向空門作
善男

送武大尹致仕

重裘穩着好衝寒西望長平早挂冠直道一生
存仕路清風千里送歸鞍秣陵回首留棠樹蒲
水藏身覓釣竿別去獨愁蓬巷寂有誰停蓋問
袁安

答陳暨陽憲副

相繼高堂脫豸冠還家樂志構芳園林栽竹笋
堪調膳坐對溪山好避喧寫就法書追智永寄
來佳句似開元風流文藻承家處身外浮名未
足言

寄朱明虹太守

論文常下白雲司別去俄驚二載餘正指巫山
看片月忽從淮水得雙魚甘霖此日隨熊軾靈
鵲來年送隼旗宦達有誰敦宿好知君高誼古
人如

寄文休承

筭老同驚七袞餘。昔年朋輩總丘墟。山中每自看梁月。江上如何斷鯉魚。往日草堂頻下榻。幾時茂苑再停車。揮毫見說清強在。好寫新篇慰索居。

答余太史

自升東觀頻更歲。玉樹金聲入夢多。江左摛文元獨步。禁中揮翰復誰過。思君忽遇燕山使。贈我遙傳郢客歌。若問別來何所事。依然五柳日婆娑。

立夏前一日謝諸老携酒枉顧

小堂今日喜春留。上客聯輿訪故侯。已遣開門除藉草。却看飛蓋散眠鷗。携來銀甕皆仙醴。呈出篋盂是野羞。歸路衝泥燈火滿。回光猶自照林丘。

天逸閣爲皖溪叅政作

聞公習靜好樓居。傑閣新成逼太虛。塵土何由沾几席。雲霞長是上衣裾。攀龍令子呈新賦。騎鶴仙人送道書。漫說蒼天能逸老。竟忘門外候

安車

送岨峽張中丞赴保定

全才吏隱本非宜。簡命重膺荷主知。地近上京
瞻日月。坐當雄鎮控華夷。普宣皇澤先蠲稅。盡
掃邊烽但賦詩。廊廟望公持大軸。恒山今去暫
停麾。

除日始雪口占四韻

一冬頗恠鵲呼晴。除日纔看雪滿城。天向春前
呈瑞景。人從歲杪動歡聲。寒多旋檢貂裘著。喜

極頻催柏酒傾。豐樂預占思作賦。才非郢客句
難成。

除日喜雪次阮僉憲韻

歲華將盡雪猶慳。此日彤雲始接天。落處只疑
銀片片。飛來渾似絮翩翩。吹葭看轉三陽節。鼓
腹聽歌大有年。見說九重憂旱切。齋心應是動
高玄。

歲首述懷

當年七十老而傳。七十纔過又四年。人道丰神

民日報 卷九
全似舊我。嫌鬚鬢白於前。酒因病肺停三爵。詩
為陶情賦幾聯。欲訪羨門求大藥。凡胎非是紫
陽仙。

送蔣太守

陪京獨躍五花驄。抗疏曾聞動九重。名郡欲求
清白吏。內臺先拜紫泥封。文翁化俗惟興學。黃
霸為邦首課農。預想政成趨召去。高名留並武
夷峰。

壽王小石太僕

少保門中出俊人。早拋金紫愛藏真。年開五袞
初稱壽。桃吐千花正及春。歷指鴈行排仕路。雙
看麟種繼芳塵。憑將真樂迎遐筭。絕勝求仙學
鳥伸。

送姚大名入京改選

久拋朱紱卧東山。郡裏猶歌五袴賢。三月鶯花
能勸駕。十年冠珮再朝天。近臣莫道無推引。才
子從來有播遷。想拜新恩辭漢闕。都門應贈繞
朝鞭。

送趙戶部考績

長才久佐大司農。美政新成獻九重。楊子江邊飛彩鷁。芙蓉闕下拜蒼龍。惠留京兆甘棠在。清比成都一鶴從。此去定知多薦引。五雲翹首望仙踪。

送萬太常謝政還南昌

九列芳名徹禁闈。春來何事宦情微。竟忘漢殿虛揆席。漫說章江有釣磯。驛路鶯花隨錦纜。故山猿鶴待緋衣。廟堂宿德如公少。只恐東山是

暫歸

賞牡丹次武十老韻

臺花元向洛中來。花下邀賓綠甕開。春晚芳菲偏在眼。歲深紅紫漸成堆。才高得句先搖筆。興劇移燈再舉杯。舊賞故人零落盡。忍於清夜不相陪。

送陸工部

才子爲郎報政成。早辭畫省上瑤京。孔融舊識通家面。何遜今傳水部名。出郭薰風驅駟馬。渡

歸曰和 卷九
江晴日照雙旌。雲霄推轂多知己。從此麒麟閣
下行。

首夏邀王氏弟兄及林甥城南泛舟自聚

寶直抵中河

四月城南新水流。偶同英妙泛蘭舟。近瞻寶刹
金輪湧。遙望仙壇紫氣浮。漫說長河通碧漢。翻
疑初夏似清秋。浴沂自古偕童冠。未許朱顏笑
白頭。

建寧新茶歲薦 太廟隨遣署臣進上

御前例也。今年元兒寔領茲役。臨行偶成。

四韻末句云云亦老牛舐犢之義爾。

名州仙蒞歲嘗新。爾去衝炎獻至尊。斑馬早

辭光祿署。瑤筐直上大明門。薦當寢廟先遵

制。賜及廷臣總荷恩。屈指旋車秋未半。不須回

首念晨昏。

壽洞庭吳老

震澤仙人白玉鬚。每尋佳麗過留都。登樓長對
三山樹。紀壽新懸五老圖。行處煙霞浮畫舫。坐

時龍虎伏金爐。爲欣百歲稱觴處。半在秦淮半太湖。

送王吳二舉人

皓首歸來把釣竿。多君懷舊問嚴灘。旋呼濁酒林間坐。猶記雄文卷裏看。變化暫同玄豹隱。扶搖將見大鵬搏。古今才大成多晚。彈鋏休歌行路難。

題龍江圖

天塹流來水一灣。此中結舍隔塵闌。長時鷗鷺

迎潮起。何處帆檣破浪還。坐傍磯頭堪洗耳。望窮天際一開顏。夕陽落處秋波映。樹裏依稀見遠山。

送人入道

昔日名流今道流。秋風佩劍別神州。寶珠久向壺中得。月帔新從象外游。想過關門逢令尹。好尋洞府揖浮丘。凡胎未得追仙駕。夢裏空懷十二樓。

題方比部新園

良日利
美人削迹愛丘樊別業依城隔市喧分得秀峰
從華嶽移來修竹自淇園芳池闢就觀魚戲曲
塢開成聽鳥言爲問同時能賦客幾人花外數
停軒

送姚子赴謫桂陽

郭外霜風吹別筵送君遙汎楚江船不妨詞客
爲遷客况復行年是壯年海內宦蹤蓬不定峰
頭家信鴈能傳名高見說徵求急去路休裁吊
屈篇

贈鄒尹調官

廉吏誰云不可爲六年冰操衆皆知花封改任
緣何事謗篋難憑自昔時天上風雲終遇合人
間岐路暫逶迤柴門別久今重過一咲唯傾濁
酒卮

九日遇雨簡阮老

三秋好景惟重九何事長空送雨聲樓上插萸
聊應節風前落帽獨關情黃花開處違同賞綠
酒分來祗自傾此去合歡休問日古來難定是

歸日稱

卷九

陰晴

答朱東源侍郎

瑤函昨夜過江東想見東山手自封才大未應
辭鼎軸交深猶自念衰慵久瞻華胄朝中滿近
說仙人洞口逢廊廟只今求壽俊詔來含笑出
雲松

丁丑除日

昨宵雷電太喧騰今夜星河分外明豐樂預呈
來歲景歡娛先動萬方情杯中送酒椒花煖閣
上圍爐木火清四世團圓蒙帝力白頭何以報
生成

送余太史還京

新歲揚旌別鳳臺去年持節下蓬萊詞臣元爲
分封出壽母先看逐子回草閣壺觴思屢聚王
程車馬柰頻催到逢仙侶談形勝却喜東征賦
已裁

喜晴

自入新年苦積陰陡欣紅日照青林階前歷亂

生殘草枝上紛紜噪野禽漸有暖烟通曲牖更
無宿霧暗遙岑不知郭外春多少何處携壺好
共尋

春寒

二月東風煖尚微峭寒猶自襲羅衣背巖凍蕊
開何晚出谷流鶯語故稀指日尋芳過野寺暫
時展卷揜荆扉臨風懷友思謀醉肺病其如此
願違

贈石湖王太僕

解組言從二水過無由握手思如何空傳冀北
斯臧頌誰聽江南蔽芾歌洞口看雲携蠟屐江
邊垂釣試青箬浮名回首真虛幻始信還鄉樂
事多

贈余都司

當年分閫拜殊恩儒將賢聲海內聞偶向滇池
辭虎帳遂從淮水狎鷗群青萍且秘囊中劔黃
石曾傳圯上文指日策勲還授鉞朔方重見霍
將軍

壽文休承

耆齡頌壽逢新歲，弱冠論文憶昔年。別後但知
官獨冷，人來爭說貌如仙。才名舊與元方並，藻
翰今同太史傳。聞有金丹能却老，幾時相引入
壺天。

輓徐兩山

宦游何事厭塵埃，辭却銀臺入夜臺。丹鳳未瞻
雲裏下，白駒先向夢中催。柴桑今雨高軒過，茂
苑斜陽旅襯回。我亦山陽懷舊者，臨風愁聽笛

聲哀

贈鄧醫

早佩青囊入舊京，竹車隨處有逢迎。檢方元自
懷中授，採藥曾從嶺畔行。能識玄機惟察脉，但
投良劑總回生。潭邊種橘收功遠，未許蘇耽獨
擅名。

送施仲子

仙翁化鶴已多年，仲子風流尚宛然。枉駕獨尋
彭澤里，啣杯同坐菊花天。山林抱拙慙予老，節

民日報 卷九 十六
操承家見爾賢莫道白頭忘宿好夢魂常到太湖邊

送陳抱冲

望鄉俄見白雲飛雪後揚旌別舊畿暫向橋門
辭伴侶早從吳苑謁庭闈秀鍾丹穴家聲美藝
壓詞場衆論歸轉眼却林先擢桂爭看喬木倍
光輝

園屋初成雪中喜賓竹見過

荒園初構草堂成踏雪開門四望清積絮總迷

三逕暗飛花遙映八窓明邀來舊侶欣同集覓
得新筍好共傾陋巷不妨鄰赤縣喜無今尹問
袁生

臘日苦患目青淚痕小愈有作

向來黑白太分明故遣災從兩日生盡日攢眉
惟岸幘有時拋淚忽沾纓窓前展卷書難讀案
上揮毫字不成不是如來贈金篦老年真在霧
中行

巳卯元日大雪次日不止

歲入元辰雪更饒可堪終夜更來朝未誇纖手
傳生菜且喜蒼頭出敝貂何事迎陽猶自舞依
然到地幾曾消溪橋埋斷高人隔自瀉春杯慰
寂寥

送鄭考功二首

江門春日照雙旌仙吏乘春賦北征坐對祖筵
停去馬到依宮樹看遷鶯致身龍殿沾新命回
首獅山隔舊京樞要游登須獻替肯將經術負
平生

休沐聊栖二水東彈冠重上建章宮身逢虞帝
登庸日名在山公啓事中吏隱向來懸峻望雲
霄此去立竒功朝端舊侶如相問爲道清溪有
釣翁

送甘子赴臨安

黃金橫帶映緋袍暫去滇南駐節旄自是聖朝
懷遠徼故今仙吏出秋曹遐方此日迎良守新
府當年識俊髦不久政成還內召彤幘休嘆此
行勞

壽顧小川七十

橫金佩玉侍明光
麗藻曾聞動玉皇
故里久開招隱館
芳名猶在集賢堂
添籌早喜臨東海
賜履能無憶尚方
棣萼鳳毛稱慶處
爭看卿月照霞觴

君年七十余加六
總是睢陽會裏人
在昔雲霄同結綬
而今江海各垂綸
每從夢寐瞻芝宇
欲問寒暄乏素鱗
鼎內丹成知却老
望携衰朽出風塵

寄顧方壺

聞說移官過舊京
如何拂袖竟辭榮
不應清世先逃祿
自是高人愛養生
想坐海邊看日月
虛令江上候軒旌
盍簪此後知何歲
白首停雲無限情

桃花塢赴小岡之約

春山景聚桃花塢
况近君家綠野堂
纔向堂前看野色
遂從塢裏眺春光
行來重展芳菲席
望去真成錦繡塢
老我叨陪逢盛賞
百壺傾盡興

猶長

已卯端午薛子邀飲枕流閣

佳節臨流列錦筵風流絕勝坐樓船
淡雲早掩長空日輕吹能消近市烟
屢見盪舟來水上頻聽伐鼓過尊前
美人作客翻爲主携得君山酒似泉

芝臺

芝草無根生不偶君家臺上發新叢
祗緣和氣充庭內遂有靈苗出地中
紫蓋煌煌承湛露翠

莖燁燁受祥風他年獻賦甘泉殿
請看齋房色正同

送高羅二主考事竣還朝蕙樹在顧

雙承簡命下彤闈南國多才入品題
白貴頓還遵永叔雕蟲全改荷昌黎歸朝側
想持衡近爲國先看薦士齊豈料公餘懷小隱
更紆金馬到青溪

送于存素會試

昔從文苑見英詞邂逅羞稱一字師
駐馬暫來

民日報 卷九
游壁水攀鱗此去上龍墀彩毫對策欣逢聖青
鬢彈冠羨及時指日春鴻過白下好音先遣故
人知

送天叙會試

莫向重闈戀壽杯賦成好去獻蓬萊廣寒已擢
三秋桂平地今聽二月雷繩武甲科疑有種致
身霄漢本無媒少年得志須圖報休負彤廷策
茂才

送王爾祝會試

文章自昔稱竒士科第于今屬世家壁水暫游
名愈重金門直上路非賒九霄對策瞻龍袞十
里揚鞭看杏花能識貴人輸老眼雀屏從此倍
光華

送陳純甫會試

拔秀欣看出桂林藏真翻訝歲華深向來製作
流芳譽此去飛騰愜壯心策對天人非往昔運
逢堯舜是當今新年看送泥金至預想高堂喜
不禁

壽余母八十

太君八十髻猶玄曾是綃衣海上僊別去烏臺
留四德教成金馬說三遷鳳啣睿藻揚慈範桂
長孫枝捧壽筵側想玉堂分俸處望雲遙祝萬
斯年

送李蒲溪提學

臺端風采似公稀暫秉文衡到舊畿士有規模
承藻鑑門無干請避霜威召登棘寺平邦典待
入綸闈握化機何事王程催赴闕停驄猶問芟

荷衣

贈呂君思

雨後留尊朗月升多君懷舊到金陵空林抱甕
憐余慣弱冠穿揚記爾曾莫道歲深猶蠖屈佇
看時至卽蛟騰玉堂接武知非遠爲喜年來藻
思增

和景山錢尚書自壽二首

尺素臨風久未將近聞食玉鬪身強曾勞在駕
尋彭澤猶記聯鑣入建章位謝斗台勲業在家

傳簪笏慶源長別來苦憶龍門遠想見三花晚
更芳

拚衣長謝紫宸班誰似元臣早乞閒報主豈能
忘北闕逃名終是戀東山移來椿榦千尋綠養
就鸕雛五色斑大耋已過身轉健峻崢嶸仙駕許
誰攀

蔡安里携乃子述之過訪

相思命駕古風存千里携兒到謝墩相馬昔慙
逢學士停鸞今喜見曾孫名家遺後無長物茅

屋留歡有綠尊見說少年多膽氣佇看投筆上
轅門

武小湖邀飲郊南僧院

濕雲吹散萬峰晴佳士邀賓出禁城野逕雨乾
同策馬石林風煖乍聞鶯暫來聽法元無著老
去尋芳剩有情晚上高臺齊送目金杯還對夕
陽傾

元配陳宜人哀詩四首

與君少小結良姻轉眼流光六十春早奉姆儀

傳簪笏慶源長別來苦憶龍門遠想見三花晚
更芳

拂衣長謝紫宸班誰似元臣早乞閒報主豈能
忘北闕逃名終是戀東山移來椿榦千尋綠養
就鷓雛五色斑大耋已過身轉健峻崢嶸仙駕許
誰攀

蔡安里携乃子述之過訪

相思命駕古風存千里携兒到謝墩相馬昔慙
逢學士停鸞今喜見曾孫名家遺後無長物茅

屋留歡有綠尊見說少年多膽氣佇看投筆上
轅門

武小湖邀飲郊南僧院

濕雲吹散萬峰晴佳士邀賓出禁城野逕雨乾
同策馬石林風煖乍聞鶯暫來聽法元無著老
去尋芳剩有情晚上高臺齊送目金杯還對夕
陽傾

元配陳宜人哀詩四首

與君少小結良姻轉眼流光六十春早奉姆儀

民日報
卷九
稱淑媛晚膺封誥作宜人親持中饋能爲主並
坐深閨儼若賓何事同倫不同老彩雲高處獨
藏真

多年對鏡舞雙鸞鏡破那知是此年別去竟成
蝴蝶夢謫來元是蕊珠仙同堂久接霞冠坐入
室今看素幔懸頃刻存亡吾不解欲將消息問
蒼天

平生出處太紛紛內顧無憂賴細君年少嬾將
金作髻身榮猶以布爲裙豈知琴響從今絕尚
想鷄鳴自昔聞倘上瑤臺休念我他時天路定
爲群

閣中人去老無依回首乾坤萬事非從我未誇
拖象服思君翻念泣牛衣圖成遺像渾如在賦
就招魂竟不歸獨坐空庭秋氣慘長空愁靚鴈
孤飛

寄宋工部

仙郎江上動樓船望裏行臺在目前捧檄暫辭
玄武署通商元助水衡錢詩如工部多憂國才

比商岩合濟川返駕白門知不久雪樓銀甕待
君傳

送趙太守赴武定

看從京兆佐司徒喜拜新恩別舊都廉吏爲官
琴是侶列侯之郡虎爲符叙離暫對三山酒化
俗何辭萬里途祗恐飛騰瞻漸遠誰從江左問
潛夫

送王和石吏部擢河南學憲

中州造士簡才豪仙吏承恩別首曹綸命到來

鸞映紙星軺行處豸爲袍文章自此除鈞棘庠
序從今擁俊髦入掌九銓還計日品題重見晉
山濤

簡姚鳳麓還家

畫舸遙從錦水還黑頭何事卸朝冠逢人自咲
牙琴古去國非關蜀道難傍竹重開栖鳳館臨
江新買釣魚灘歸囊莫道無長物自有明珠掌
上看

謙齋膳部過別適中宇憲廳至留飲小樓

報政仙郎過草廬况逢豸使共停車留樽旋敞
迎風閣入饌先烹在藻魚錦甸烟花圍几席炎
天冰雪灑衣裾但教戀別頻傾酒絕勝懷人數
寄書

寫真戲題

緋衣烏帽坐重裯曾向天曹領搢紳欲使後人
常識面故煩高士特傳神但教鬢髮微相似莫
遣形容太逼真只恐非熊還入兆按圖來訪釣

璜人

新年次金白嶼韻

新年行樂欲何之新闢楊園老最宜青帝光陰
青草覺白頭心事白鷗知愛分賢聖頻嘗酒怕
見輸羸嬾著棋七十九齡頑健在不須鳩杖且
支持

正月十三日雪喜王氏兄弟見過

冬盡春回雪不飛茲晨纔見洒松扉登樓望去
兼天暗拂樹飄來到地稀對景好嘗新栢酒畏

寒翻索舊狐衣衝泥愛爾能相訪絕勝山陰載
興歸

上元感事

新年樂事屬良宵猶記當年樂事饒踏月行來
皆士女燒燈何處不笙簫朱門火樹連天映紫
陌香塵徹夜飄今日登樓聊散睇可看風景太
蕭條

送宋膳部考績北上

晝游清署歲更三報政逢春促去驂白鷺洲邊

分客袂蒼龍闕下會朝簪宮花映日紅將吐禁
柳迎風綠漸含到日山公能薦士肯令才子滯
周南

喜歐工部至邀在衡元白同坐

十年雲路隔清塵游宦重來問隱淪自昔柴桑
棲處士于今工部有詩人邀過舊侶皆霜鬢呈
出山肴半野蕁明到省中題雅集知君高倡是
陽春

送天叙讀書園中

新從僻巷結層軒爾去攤書日正暄見說孫生
常閉戶不妨董子甃窺園招來良友皆三益草
就雄文是萬言不久題名過鴈塔曲江堤上杏
花繁

送天慶讀書寺中

爲嫌城市太紛繁爾去東林好避喧仗劍暫辭
彭澤里揮毫應坐給孤園風幡拂樹心偏靜竹
素堆床手自翻鵬翮養成秋已近直從天路看
高騫

贈洞山陳明府

蚤離花縣覓丹丘常愛金陵紫氣浮鼓柁暫辭
閩闔里卜居遙過帝王州逢人呼酒談真隱到
處揮毫紀勝游况是携家非獨客春來休上仲
宣樓

二月十五日大雪

九十芳春已半過不應飛雪滿山阿閉門苦怯
寒威重展卷翻疑月令訛青草徑邊堆故少絳
梅枝上落偏多亦知此際非呈瑞獨把新菑意

若何

送劉中丞赴貴州

駐馬纔臨京兆府擁旄又出大江東才兼文武
名元重節控西南位益崇今過九溪皆奉法化
行諸寨早移風斲勞柔遠知非久綸閣方求翼
贊功

送馮咸甫殿試兼謝贈詩

同榜仙翁乘鶴去發祥今喜見孫枝冲霄絕槩
雲間出奪錦雄文海內知問寢暫趨京兆府看

花將過曲江堤輝光從此生蓬壁爲謝臨分贈
好辭

送馮通府赴瑞州

留京久借大馮君佐牧新承睿旨溫郡接豫章
途不遠官陪刺史政平分王程止載華亭鶴世
業曾傳柱下文驥足暫舒還鵲起過家休戀九
峰雲

贈馬玄臺醫士

方領何年出杏壇獨持藥鏡到江干爲探金匱

拋黃卷咲着烏紗換鶻冠起瘵元將盧氏比著
書今並難經看蹇余久抱烟霞疾望爾先投絳
雪丹

寄答何古林宗伯二首

古道清風冠士林纔登八座卽投簪入山已遂
耕雲樂望闕終懷捧日心自出清班希對面每
臨流水憶知音鳳雛養就冲霄起想見高堂喜
氣深

欲賦閒居苦思遲老來空有髻如絲山中每念

同袍隔江上欣逢尺素移顧我灌園非仲子知
公得道遇安期錦堂坐處紅塵遠好折三花薦
玉卮

和明河草堂小集韻

詞客懷人過市闕高風此日幸追攀陶公自昔
能辭祿巢父于今未買山興劇不嫌盃裏濁詩
成欣見管中斑留歡日夜收殘雨十里藍輿載
月還

送郭侍御謫江山

聞草封章達漢庭，看拋驄馬出留京。
危言故自千時忌，薄譴能無荷聖明。
去國不愁天路遠，過家翻喜宦囊輕。
賜環自有深恩在，莫向長沙吊賈生。

謝大鴻臚方新渠舊寅丈枉顧

上卿游宦過江東，政暇停車問野翁。
傾蓋似逢齊鮑叔，持衡元仰晉山公。
杯中送酒茆柴薄，燈下裁詩錦繡工。
一顧駑駘全長價，百年慚愧舊曹同。

贈游山人

開尊花塢對晴暉，邂逅論文意不違。
中散故從千里至，鴟夷元向五湖歸。
到來白雪留詩卷，別去清風引素衣。
我亦九仙山下客，送君空有夢魂飛。

方新渠公邀飲齊園

公餘乘興結幽期，藝苑風流喜在茲。
特假芳園聊避俗，共攀叢桂好裁詩。
客星漫許然犀席，卿月爭看照玉卮。
最是合簪忘顯晦，寰區重見上

皇時

送王升寰歸天台

早年提挈上青雲曾受中丞罔極恩每向天台
恩令範今從壁水識英孫霜天返旆家千里草
閣留歡酒一尊此去再來應擢桂望君重款舊
柴門

癸未元旦

新歲春秋稱八袞却因垂白憶垂髫藏身久閉
雙虹宅奮志曾題駟馬橋無數青蒼行處好許

多寒暑坐來銷旁人莫擬磻溪叟豈有嘉謀翊
聖朝

輓賈大尹

秣陵凋敝借仁賢五載芳聲白下傳官舍夢桑
俄厭世王程停蓋罷朝天素車直過牛山麓宰
樹新開馬鬣阡最是鳳雛迎旅櫬都門誰不淚
潸然

送汪九臯

三十年前談藝客彈冠今始解青衫擔簦猶自

尋迂叟對酒能無駐錦帆已向山中拋舊業卽
從闕下拜新銜古今才大成多晚肯使螢牕老
一函

壽金白嶼九十

來往塵寰若御風百齡將近壯夫同清虛自得
扶輿氣矯健非關大藥功對景何曾停彩筆看
山猶自烟方曠若從海外尋仙侶只恐黃眉是
此翁

壽皇甫兄

弱齡同醉鹿鳴筵轉盼齊登大耋年顧我才非
金馬客知君身是玉堂仙官辭首部憐雙隱書
載名山羨獨傳兩地設孤秋較勝壽尊開處兔
輪圓

方鴻臚邀同歐工部話別以小恙未赴詩
以謝之

仙卿展席依金谷水部臨風駐錦鞍漫許野人
陪盛饌豈知多病阻交歡霜前楊柳還堪折露
下芙蓉正好看對景叙離應有賦好書新詠寄

江干

送歐工部

清世無端遽拂衣錦帆遙指嶺南歸紅塵自謂
逃名好白雪非關和者稀江柳向人如戀別海
鷗迎客總忘機羅浮隱處梅花在爲喜藏書揜
舊扉

工部有詩留贈依韻奉答

自是詞場第一流廿年搖筆奉清游明時解印
虛稱老故里思尊正及秋招隱定開松下逕著

書應上海邊樓冥鴻渺渺天邊去誰向青門訪
故侯

寄懷郭方伯麓池

憶從青瑣歷薇垣峻望常懸宇宙間秉軸共期
登紫闥拂衣何事覓蒼山江鴻渺渺遠芳訊梁
月輝輝想道顏見說聖朝思舊德滇池休戀釣
魚灣

送吳給事守衛輝

南垣抗疏仰清忠遙拜專城簡命隆沃衍由來

民日報 卷九
稱汲郡治平從此說吳公節臨霜露辭青瑣地
遶河山引畫熊計日功成催佐政璽書先過孟
門東

題余太史溪雲閣

新開傑閣俯青溪巧結迴闌引石梯窓度輕颼
飛燕雀橋通絕澗飲虹霓天空星斗侵簷爽市
近烟花拂座迷金馬秣綠休沐久故營雲樹暫
幽栖

送舒繼峰侍郎

看辭棘寺佐秋曹此去端人喜在朝江上昔年
逢鮑叔殿中今日見臯陶到時鴛鷺迎仙履別
路風雲擁使輶所願輸忠扶泰運白頭何恨老
漁樵

題林評事菊花

秣陵秋菊多奇品廷尉移栽宦邸中亂吐金英
凡幾樹齊開玉蕊許多叢傲霜不改芳菲色善
養全收造化功不是高賢耽吏隱暫留清賞寄
江東

贈孫術士

郭公異術起河東更有君平在蜀中顧我每披
方伎傳如君真有古人風得時定出仙人授妙
處能將造化通許我百齡應不爽只愁沽酒闕
青銅

送陳純甫赴江山令

揚旌直指信安城飛鳥先辭白下亭漢殿郎官
新佩印廣川才子舊明經道傍停蓋看馴雉堂
上橫琴想戴星計日政成催獻納排雲應是在

彤庭

春日同方新渠太常趙瀛陽宮諭飲莫愁
湖堤上

盧姬元住石頭城湖水猶存往日名上客聯輿
探勝蹟野人扶杖奉仙旌花堤偏喜傳杯坐柳
浪還宜泛舸行地主娛賓情不淺雕盤遙送五
侯鯖

恒兒拜官上林志喜二首

青袍猶記出成均淮水多年把釣綸三殿忽傳

班爵令一枝先占上林春行拖玉珮趨丹陛坐
戴烏紗換葛巾莫更臨風嘆遲暮踞鞍非是黑
頭人

雙雛久集鳳皇枝雲路逢辰次第飛勲業何須
登鼎鵲冠裳偏喜傍庭闈流螢早見辭書卷練
鵲重看上彩衣自是天家多雨露頓令喬木借
光輝

八十自述四首

閱世俄驚八十春鬢毛凋盡意猶新風雲天上

曾驤首鴛鴦班中早乞身常咲傳家無寶玉獨
欣作伴有松筠久知骨相生來蹇不是當年渭
水人

纔過稀齡又耄齡鏡中漸改舊儀形興來杜甫
搖詩筆老去劉伶斷酒瓶望闕敢希靈壽杖披
雲誰識少微星後來歲月知多少且看松根長
茯苓

降歲常懷甲子年等閒五豆列賓筵紛紜往事
皆棋局荏苒流光總逝川林壑故宜藏野老塵

寰何處覓真仙眼看四世欣無恙贏得山中自在眠

八十懸弧壽亦高
清和改令又今朝
試觀山水依然好
無柰親朋半已凋
新結小樓聊避俗
舊栽叢桂已凌霄
百年莫笑踈狂甚
多在山林少在朝

許太常歸田稿卷九

終

武林卓明卿澂父校

許太常歸田稿卷十目錄

五言絕句

市隱園十八詠

六言絕句

大野園十八景

七言絕句

清明詞四首

端午詞六首

夏日雜興四首

秋日雜興四首

寒食戲作

簡姚元白乞芙蓉

乞雜花

乞花

題畫

謝朱子元惠棗二首

王廷槐每至都下輒回留叙不及詩以嘲之
蓮吐雙枝適子元偕

子克見訪留坐小飲二君有詩次韻

冬日雜言四首

張憲使以卷中雜畫

索題各賦絕句

司空康公惠余雙鶴

久之鶴飛去悵然有懷遂成六絕

答斌上人

謝友人惠菊八首

送林世端游武昌

送徐廷晦北上

送林世端赴揚州

寄郝老

春日花下小酌二首

夏日山中有懷半峰上人四首

乞玉田菊

謝玉田菊

送澄僧入楚

送何子還松江

賞牡丹二絕句次張尚書韻

黃鶴翎

送徐聯江武舉

送路壻武舉

送友人

送俞元海游杭州

題楊妃舞翠盤

題畫松

題畫竹

贈歌者

送尹子還南昌應試

題湖山圖

九日憶鏡光閣

憶滕王閣

謝阮兄惠酒

謝人惠香冠

題畫竹

題畫梅

送張壺梁游采石

元兒賣捧在京詩以念之

輓盛仲交三首

贈余陰陽

春日感懷詩十二首

集古

答卓漱甫光祿

贈卜者

輓陳子野五首

秋日雜詩八首

詩餘

百字令

千秋歲引

念奴嬌

青玉案

水調歌頭

踏莎行

風入松

蝶戀花

滿江紅

沁園春



P3下半页以后缺

藏式珠

以園春

風人林

艷戀芬

水晴烟照

韻芬芬

念效敵

青玉案

百字令

千秋賦得

精繪

彈刺子理正首

殊日錄詩八首

答卓媿南步縣

韻一筆

春日恩謝詩十二首

集古

許太常歸田稿卷十

上元許穀仲貽著

五言絕句

市隱園十八詠 有序

吾鄉姚元白氏闢園於秦淮之東東橋

顧尚書題曰市隱蓋取大隱隱朝市之

義厥趣遠矣余與元白投分最久暇嘗

游衍其中乃其結構則茵閣與文軒競

爽樹藝則倚桐與莞柳齊芳山水咸得

之目前魚鳥總呈於檻外蓋地當塵井
之間而寓目殊遠躬處喧囂之境而抒
興稱幽城市丘樊此其獨盛者矣其視
珍葩接逕乏清曠之觀雕棟連楹失冲
玄之味豈不雅俗殊調哉然余謂景自
外得樂由內生苟中罕超朗之襟性匪
虛恬之稟雖青蒼迭覩何益凡淙水石
交臨無關逸抱乃元白則博古談玄游
神道壤摘詞振藻標羨藝林蟬蛻污滓

之中鴻翔寥濶之表蓋內觀取足游方
之外者也以故散睇怡顏放歌招隱此
焉求日不求其餘豈非景緣情會象與
意諧者乎又何必買山而隱入林之深
然後匿采埋光乃稱高蹈也近嘗各卽
所經系以絕句凡十有八首貽之中林
俾學士聞而和焉

玉林

檀藥千挺竹色比青琅玕散髮坐林下清風生

書寒

茶泉

瑤林瀉神泉芳香淡無色汲來煮靈芽一飲蠲
衆慝

中林堂

陪京勝名園豈不恣延賞何如此堂中開簾見
泱泱

思玄室

焚香開密館獨坐自含靈聞道張平子思玄賦

已成

春雨畦

春雨滿平畦蔬甲總抽綠登盤有餘清早厭廟
堂肉

觀生處

大化日夕流生生滿寰宇靜坐觀有生因之究
無始

容與臺

落日幽興發登臺馱徘徊拂衣空翠落散睇夕

嵐開

海月樓

片月生東海照此池上樓呼酒坐良夜清光搖
素秋

鵝群閣

書成換白鶩昔賢亦高蹈今日閣中游彷彿山
陰道

鷗波

晴波綠堪染白鷗自來去想見中林人年來絕

機事

洗硯磯

臨池有清况濯硯苔磯傍朝來拾魚藻猶帶墨
華香

柳浪堤

長堤垂弱柳綠影照清流莫遣通淮浦漁郎來
繫舟

秋影亭

涼月散梧陰空亭人復靜佇立候携琴乍覺衣

裳冷

浮玉橋

花開銀漢落水面玉虹浮此日觀魚處應同莊
叟游

芙蓉館

虛館秋風起紅芳偏照人不將搖落意惆悵艷
陽辰

鶴逕

幽逕調孤鶴飛鳴時近人未須懷緱嶺即此可

藏真

萃止居

開軒聚三益解帶探群書不道深巷中而有長
者車

借眠菴

中歲偶聞道頗亦壓塵俗避地倘同襟為借青
林宿

六言絕句

有序

大野園十八景

大雲亭李侍御余同年中密友也早辭郡
綬結有芳園侍御游衍其中條然自得
且日與佳朋唱和流覽不倦園中美景
凡一十有八美哉富矣近嘗邀余賦詩
因各題六言絕句一首

槐楠挺秀

虛宿躔中分得躔君壇上移來綠蔭全鋪雲砌
青枝直接天階

松栢交加

日久龍蛇作狀歲寒鍊石同堅入廟終成巨棟
栖山且引長年

桂子秋香

月下數株吐萼風前十里飄香聞道却林有種
請看竇氏傳芳

杏林春色

絳色霏微惹露紅粧散亂蒸霞猶記曲江堤上
錦雲曾映烏紗

篔簹凝碧

歸田稿 卷十
直節相違數尺平林獨挺千竿雨過琅玕呈碧
風來炎暑生寒

橘柚垂金

江上生來磊落霜前結處蕃敷直比黃金作彈
未同火齊爲珠

薔薇金馥

妖艷不煩染血清姿酷似裁金開處露霑屏障
坐來香沁衣襟

葡萄珠綴

玉露金風乍冷千枝萬顆齊垂共道驪珠點綴
休誇馬乳紛披

曲澗流琴

徑遶寒流滴歷橋添新水潺湲豈有朱絲綠綺
分明弄曲調絃

橫塘蛙鼓

新雨池邊初歇群蛙水上齊鳴宛若華林以非
亂喧鼓吹之聲

蟬噪桐陰

井上翠陰正密枝頭齊女爭鳴回首螳螂迹遠
仰天風露心清

魚翻沼荇

池面平鋪藻荇波心躍出鱗魴立渚驚鷗屬玉
眠沙打散鴛鴦

梅軒聽雨

檻外江梅已熟窓間山雨偏多隔葉不聞黃鳥
連枝定落青莎

柳陌吟風

高柳五株搖曳薰風四面吹來心在羲皇以上
人從彭澤初回

石盤玩月

月出滄溟只尺影流盤石光輝玉宇不知遠近
金波欲透絺衣

雲窩賦雪

興盡倦乘刻艇寒來獨卧雲窩盡日賦成柳絮
喜無縣令來過

群峰疊翠

巧疊千層恠石高低翠色迴環兩過似生烟霧
人疑海上三山

萬卉爭妍

新闢芳園曲徑盡栽異木奇花霜後不教寂寞
春來更覺繁華

七言絕句

清明詞四首

柳絲桃朶滿皇州南陌東城結伴游公子臺邊
調蹴踘王孫堤上躍驊騮

驅車策馬塞城闔拾翠從來競此辰日煖風恬
全引興水邊山下總宜人

花逕不妨朝雨濕羅衣偏受晚風吹家家厨下
鑽榆火處處瓶中插柳枝

携尊挈榼上高臺紅紫都從望裏開江上斜陽
留客醉城邊晴月伴人回

端午詞六首

竹筒儲米賽忠魂遺俗爭傳楚水濱卽今南望
猶堪恨况復當時吊屈人

民日報 卷一
午位昨宵移火宿千門今日試蘭湯紫薇閣畔
薰風度青草池邊晝景長

畫鼓龍舟競此辰江南風俗自相親蒲根細切
頻隨酒艾葉新裁巧趁人

太宗神武獨平胡八葉神孫仰廟謨猛士已收
青海箭內家休佩赤靈符

芳時幾向客中經忽漫還家鬢已星獨有北窓
鍾阜色龍蟠不改舊時青

宮女開函散綵絲銀罌猶記宴彤墀十年流落

江湖遠不聽周王在藻詩

夏日雜興四首

赤龍按轡火雲升萬國紅爐總鬱蒸尚想禁中
趨走日中官分賜玉壺冰

呼風小雀啾啾語曳日玄蟬嘒嘒吟石几竹床
塵不到夢回剛在閨風岑

紫薇傍砌影婆娑無數新枝發舊柯三月南風
吹不散紅英還比去年多

北闕聖人彈五絃絃中盡是阜財篇司農聞上

輕徭策不道東南太可憐
長旱困窮同與聞
上
秋
日
雜
興
四
首

三伏炎蒸苦不支
夜來龍火已西馳
幽居且喜逢蕭爽
散帙開尊事事宜

西風吹樹露華晞
涼入庭堦暑氣微
老去車公書嬾讀
任教螢火滿林飛

七月雨聲鳴不休
江波一夜接溪流
箕踞倒坐龍頭鰓
月白山青鏡裏游

半夜清光照綺羅
五侯池館月明多
琵琶曲裏

商聲度字字翻成玉樹歌

寒食戲作

抱病江湖逢令節
北窓無事枕書眠
誰知百念同灰冷
却笑家人說禁烟

簡姚元白乞芙蓉

近得名花自洛陽
開時聞說似姚黃
預愁春色須臾盡
更乞芙蓉媚晚霜

乞雜花

晚菘早韭偏盈圃
嫩葢濃花未滿蹊
見說名園

紅刺眼可能分種午橋西

乞花

春日名園錦作堆海棠山茶無數開五柳宅邊
全少此百花灘上乞移來

題畫

垂垂叢菊吐秋英竒石踈篁結伴清今日林泉
看野色始知陶冷非翫晴

謝朱子元惠棗二首

丹棗離離八月芳美人持贈滿瑤筐何須更覓

安期果只此能令肺病忘

老向山中抱赤心每看朱果變青林平生不上
東家樹過客休歌去婦吟

王廷槐每至都下輒回留叙不及詩以嘲
之

一年三度喜逢君對面須臾袂忽分安得久留
中散駕玉壺同坐草堂雲

蓮吐雙枝遣子元偕子充見訪留坐小飲
二君有詩次韻

庭中蓮朶喜雙開。門外詞人結伴來。盤有尊羹
尊有酒。那能對景不啣杯。自入炎天客過稀。多君觸熱到柴扉。留歡不用
調水。水紙上詩成白雪飛。

張憲使以卷中雜畫索題各賦絕句共一

十二首

桃花零落菜花黃。映日搖風也自芳。粉蝶青虫
飛不去。競從樊圃戀春光。

涼秋湖上景淒清。露冷荷枝半已傾。落日漁人

收網去。沙頭郭索好橫行。

鼠傍禁林成窟穴。日從霜果嚙清甘。徂公伎倆
空如許。朝暮紛紜較四三。

滿目平田金粟黃。啁啾饑雀任迴翔。當時却咲
東方朔。九尺長身俸一囊。

紫文紉實晝垂垂。分得天台種最奇。山靜草深
人不到。蒼颯飛上最高枝。

山禽得食咲鵬搏。九萬何須奮羽翰。浮世但令
無餓死。栖遲須信一枝安。

民日報 卷十
嶺南炎月競嘗新火齊虬珠顆顆勻獨恠昭陽
勞驛騎大官無復上書人
碧玉黃金滿樹鋪江南風味說東吳因思消渴
文園者好泛扁舟過太湖
人間風景隔金閨獨坐瑤臺思欲迷暫以幽情
付流水不知紅葉為誰題
野老扶藜何處還柴門應在萬山間莫言林靜
無妖鳥平地今如虎豹關
秋水迷茫接遠天波心蕩漾捕魚舡絲綸閣下

逃軒冕歎乃聲中度歲年

大洲之畔小洲平蘆葉菱花滿目生草閣卷簾
看野色石橋扶杖聽江聲

冬夜雜言四首

鷄唱芸窓漏五更夢回無事覺心清無端却被
詩魔惱太半新篇枕上成

蘭陵分得酒如泉五斗傾來意豁然今日高人
無李白眼前誰是酒中仙

夜靜寒威徹小堂圍爐坐夜夜偏長近來老子

脾神健却喜灰中芋栗香
一聲何處落霜空四壁停喧月正中却憶美人
天際遠帛書曾不到江東
重訪高僧石徑微堂栽新竹翠堪依焚香愛聽
無生話早見天花向客飛

住世無如出世難白雲高處半峰寒十年閉戶
翻增障願借西來貝葉看

司空康公惠余雙鶴之一鶴飛去悵然

有懷遂成六絕

庭前對舞思依依長出修翎忽解飛今日獨翔
霄漢去不知華表幾時歸

警露清音喜乍傳豈知夜半卽冲天金風玉宇
無窮路望斷秋空信杳然

昂藏一旦遂離群不落平沙定入雲愁向琴中
聽別鶴蘆花明月倍思君

羽衣仙客本難留飛向雲中不可求只恐在陰
無子和人間天上總離愁

青田瑤島似仙鄉豈愛塵寰有稻梁早識高飛
還得意肯隨鷄鶩共行藏

應悔當年離九臯而今畢竟出蓬蒿陶潛歸去
逢萌隱同是雲霄一羽毛

謝友人惠菊八首

勿誇紅白鬪竒姿月令標名是此枝不向霜前
先吐萼秋香誰遣使君知

右報君知

惟有赭袍顏色正天孫學染菊花團十年不謁
山龍袞猶記黃裳對御看

右御衣黃

紫雀群飛九月天齊來吐舌小籬邊稻梁是處
皆堪飽吸露食風見爾賢

右紫雀舌

芍藥誰將金鏤成東籬惟此壓群英風流地主
能題品畢竟標他第一名

右金芍藥


廣陵芍藥白如銀千樹紅芳總後塵何事春風
開不遍化成籬菊更鮮新

右銀芍藥

西子秋來睡起遲花蜂送蜜染芳姿若教虢國
夫人見正是蛾眉淡掃時

右蜜西施

色比施朱還太赤狀頭此日換緋衣纔從紫殿



P17

傳臚出却向瓊林帶酒歸

右狀元紅

外鋪紅粉內鋪黃絕似桃花却傲霜識得繁華
同冷淡武陵風景在柴桑

右桃花菊

送林世端游武昌

金陵夏口接江流千里揚帆亦勝游到日月明
清興發知君先上庾公樓

楚江春色望中迷處處登臨好駐車對客休誇
建業水定知不及武昌魚

送徐廷晦北上

赤日蒸林草樹焦下方無處避炎熇因之却憶
談經地六月寒山雪未消

赤翳能將左目昏本來二障未除根逢師不借
黃金篋但乞醍醐灌頂門

乞玉田菊

金葩玉蕊不凡材獨樂園中手自栽猶記去年
霜降後瓦盆雙贈小堂來

謝玉田菊

白衣送酒豈須賒獨恠籬荒未見花不是高人

憐寂寞肯分秋色到貧家

送澄僧入楚

欲構禪堂結淨因錫飛先過楚江濱沙門學士
元知重指廩捐金定有人

賞牡丹二絕句次張尚書韻

名花千朵媚芳春公暇携尊賞更新醉折一枝
歸去晚馬前疑是見佳人

看花上苑憶同盟今日看花倍愴情三百英雄
如雨散五人相對石頭城

送何子還松江

黃花時節好啣杯耐可乘舟海上回見說觀梅
還在駕雪中開閣待君來

金馬還鄉歲屢更著書曾不寄金陵趨庭若問
高陽叟白髮如常酒債增

黃鶴翎

聞說仙人號子安曾乘黃鶴上雲端天風吹下
金翎細變作籬花巧耐寒

送徐聯江武舉

閑却將軍在舊京此行端不負平生遙知憲府
傳三捷榜上爭看猛士名

送路壻武舉

虎頭元是出群才選將親登御史臺操筆彎弓
醉得意山中早聽捷音來

送友人

素車侵曉別金陵此去翻飛在玉京莫道報親
惟涕淚揚名元是古人情

送俞元海游杭州

炎月辭家向武林知君高興愛登臨丹山碧水
經行處若箇高賢共賞心

雙峰三竺堪銷夏雪藕調冰正及時安得相從
尋樂事吳山重續舊題詩

題楊妃舞翠盤

迴波宛轉動君王翡翠盤中舞袖長試問玉環
傾國處何如飛燕在昭陽

題畫松

老杜當年羨畢宏于今江左獨推公筆端掃就

千尋樹信比虬龍出地中

題畫竹

修篁寫就拂雲長似有風聲撼草堂絕槩清姿
俱在眼果然神妙勝蕭郎

贈歌者

檀板乍敲先振葉鶯喉初轉早揚塵若教供奉
追前輩當是元和第一人

送尹子還南昌應試

歸從新府定掄魁何事携書白下來不道東南

惟竹箭參天元是豫章才

停車未久復離群谷口傳杯戀夕曛明日天風
隨馬去却看前路是青雲

題湖山圖

湖光山色映茅廬佳士何年此卜居長日閉門
無客至閑庭時檢鄴侯書

九日憶鏡光閣

鏡閣高攀眺帝畿酣歌曾此典朝衣只今惟有
南來鴈猶似當年塔上飛

民日報
卷一
三
憶滕王閣

滕閣弘開南浦濱。昔年駐節遇佳辰。歸來已隔
西山路。秋水長天一樣新。

謝阮兄惠酒

佳辰無伴坐柴桑。咲指霜天看鴈行。不是嗣宗
青眼在。誰分仙醞過茅堂。

謝人惠香冠

百和香成子夏冠。老人頭上頗相安。贈余恰值
茱萸節。正好龍山落帽看。

題畫竹

千畝何須羨渭川。一枝寫出自翛然。只今懸向
空門裏。不待聞聲已悟禪。

題畫梅

從來姚合擅詩名。老去翻憐畫更精。不畫繁英
畫疎蕊。知君獨有歲寒情。

元兒賚捧在京詩以念之

憶昨衝寒促去輪。計程今日到天門。蒼龍闕下
尋同伴。白玉階前拜至尊。

民日報
卷一
天涯童僕且相親
游宦俄驚歲又新
對榻定依金馬客
啣杯應念白頭人

送張壺梁游采石二首

欲從姑孰尋名勝
乘舸因過白下來
牛渚天門俱在眼
不妨先眺鳳皇臺

大江泛月錦袍新
千古風流迹已陳
君去泛舟還弄月
只疑李白是前身

輓盛仲交三首

采真未久即歸直
想是山中遇羨門
海內詞人

半知己思君誰不賦
招魂

莫談投筆與題橋
詞客如君氣更豪
獨恠秦壇稀薦引
百年猶是一青袍

青雲只尺路難通
一夢華胥萬事空
欲問九原含笑處
鳳雛飛上建章宮

贈余陰陽

勞君相地指牛眠
知是青烏得秘傳
便欲從之徼後福
獨愁未有買山錢

春日感懷詩十二首

集古

宜人仙去漸久余獨坐靜室追悼日甚
幾欲賦詩寫哀苦不成句偶披唐人諸
詩中間句意相關不覺感觸因檢出集
成絕句十二首俾童子歌之庶幾汰我
悲思云

物在人亡無見期仙冠輕舉竟何之
爐烟消盡寒燈晦夢裏招魂誦楚詞

知君視聽我心同何事吹簫向碧空
獨坐黃昏誰是伴白蘋愁殺白頭翁

沉香亭北倚闌干雙袖龍鍾淚不乾
今日美人棄我去中天月色好誰看

魂歸漠漠魄歸泉樓上花枝笑獨眠
便欲從君無那老不知何處是西天

身在仙宮第幾重未知何日得相從
衷情欲訴無人會月入斜窓晚寺鍾

紗窓日落漸黃昏環珮空歸月夜魂
無限心中不平事年來惆悵與誰論

門橫金鎖悄無人一片花飛減却春
莫向尊前

惜沉醉晚來幽獨恐傷神
盡說歸山避世塵人生何處不離群子規夜半
啼楮葉觸撥傷心不忍聞
老妻盡紙爲棋局日日江樓坐翠微誰爲含愁
獨不見隨君空有夢魂飛
空山樓閣暮春光但惜流塵暗洞房聞道欲來
相問訊人間無路月茫茫
空山獨夜旅魂驚唯見階前碎月明春色恼人
眠不得誰家巧作斷腸聲

雲母屏風燭影深瑤臺無路可追尋孤城此日
堪腸斷更入新年恐不禁

答卓光祿澂甫

莫話鴛鴦行廁縉紳獨欣漁釣着閒身鏡中常咲
虞翻相不是高車駟馬人

小樓扶醉憶同登對看三山入座青一自別來
踈酒伴桃花洞口笑人醒

贈卜者

人來問卜卜皆靈九卷傳家舊有名記得當年

題柱日龍頭曾許屬鯁生

輓陳子野五首

結社秦淮有歲年一時詞客讓君先
今君歸去騷壇冷惟有英詞宇內傳
谷口常邀鄭子真每來花下坐芳辰
豈知先後乘雲去今日思君是古人
與可修篁韋偃松珍圖雙寫寄山翁
而今對掛茅堂裏無限高情在眼中
畫筆飄零酒盞空錦屏猶目列芙蓉
玉樓索記

無從覓知在巫山第幾峰

瑞世文章五色新一官骭不逢辰
當時知爾無能薦羞作清朝獻納臣

秋日雜詩六首

白雲昨日出山頭暑退涼生景自幽
老去流光偏滾滾不堪團扇又辭秋

鄰翁送酒坐斜陽坐愛鵝兒似酒黃
百歲逍遙身在野九秋歡喜稻登塲

卸却緋袍作散人日從鍾阜看嶙峋
囊中莫笑

黃金盡芋栗全收不當貧
塞火秋來徹夜紅羽門金甲繞雲中將軍剩有
嫖姚策瀚海新收破虜功
嬾性從來不解愁一瓢高掛樹枝頭古來大隱
多城市巢許何妨入帝州
四序催人迅若流如何宋玉獨悲秋山人每到
蕭條日偏喜黃花照白頭
年年牛女度天河暫會旋分恨轉多何似蟾宮
人不到廣寒深處鎖嫦娥

舊友相逢總不冠烹葵剥棗卽成歡雷陳去後
稀膠漆始信同心自古難

詩餘

百字令

今日對酒作

自出銓曹仍學憲深媿權衡人物誰言蕙苾是
明珠依舊歸來四壁深巷人稀蓬門風冷獨卧
袁安雪却咲如今誰是江東豪傑忽報新酒
盈蕩活魚上網柰高懷頓發獨自圍爐歌且飲
那問六朝興滅三十彈冠五旬解組頃刻成華

髮百歲無多肯負小堂風月

千秋歲引

答橫厓陳令

欲作福星先收化雨旌軒早向洪都駐銅符銀
魚人快覩千家百里天交付看垂簾須製錦還
栽樹不用少年懷賈傅不用龍鍾咲轅固郎
官列宿今亨路聖朝方求清白吏使君定在登
庸數上巖廊展經濟酌平素

念奴嬌

與諸友賞蓮作

瓦沼齊開紅蕖菡萏發育全憑造物本是峰頭十

丈花今日移來翠壁坐處風生林間雨過葉上
疑飛雪能寫丹榮須讓陳思才傑 偶逢佳客
停軒美人送酒便筵開興發好對芳菲須縱飲
莫話色空生滅洗盡炎歊坐沾芳馥轉覺清毛
髮夜久雲開高枝亂搖晴月

青玉案

對盆蓮作

檻外盆蓮高下吐艷色偏宜正午孌娜向人嬌
欲語若耶何處峰頭如許此景應相似 預愁
轉眼秋風至怕紅粧零亂臙脂墜碧梳冰漿時

自舉飄蕭襟度深沉院宇六月全無暑

水調歌頭

中秋作

羲輪纔入地寶月恰升天細數中秋令節最好
是今年旋取園中芋栗漫瀉尊中醪醖設宴小
庭前坐深清景徹疑到影娥邊好行樂須謀
醉竟忘眠鄰人送餅與冰輪一樣團圓莫羨朱
門鼓吹且看白頭吟味樂事也周全但教尊有
酒百歲對嬋娟

踏莎行

雪樓遲酒

對雪登樓可禁孤坐爐邊酒盞須添箇隣家琥
珀許分來望而不見情無那頃刻青山白頭
似我掀髯一咲烏紗墮興來且莫典鷄裘濁醪
不久墻頭過

風入松

癸亥端午作

龍舟鼓吹滿江城勝事說金陵都人拍手迎嘉
節剪新製葛細羅輕艾葉齊簪容髻虎符高掛
門庭坐看時勢逐年更垂老獨心驚兒童咲
我追歡嬾想當日我亦孩嬰榆景但教強健蒲

尊且醉昇平

前調

薰風吹滿舊都城赤日映鍾陵佳辰恰喜收殘
雨况野老病去身輕閉戶恐孤令節開尊獨坐
閑庭一年春夏等閑更冷煖不須驚人生意要
作啣杯客任瀟洒好爵休嬰堪咲獨醒屈子至
今抱恨難平

百字令

司馬憲副

執法元稱真御史信是江東人物翺翔列省賦

歸來祇有圖書四壁志在嚴灘跡踈偃室雅操
如冰雪興到詩成不數建安才傑只今壽報
耆齡筵開臘序正江梅齊發午雪初晴霄漢朗
一點長庚不滅天佑仁人鄉存大老千歲常玄
髮減孫慶遠佇看掌珠明月

蝶戀花

答肖翁見懷

緋袍奏績金門早曙色初分喜聽宮鴉噪五色
雲中清漏杳仙班元接瀛洲島承寵迴舟秋
色好珠玉揮毫囊裏惟詩草莫道瞻辰空夢稍

暫時且免衣顛倒

前調

董賈文章流譽卓莫說齊梁畢竟皆蟬噪常恠
知音今漸杳如何枉駕尋僊島 吏隱留曹元
自好珠履重來且踏青門草秋氣淒清蓬巷悄
有懷欲待同傾倒

滿江紅

對酒作

塵土長安記當日曾驅馬足總不如故國雲山
吾廬松竹闢地開成元亮逕隱居製就盧鴻服

空林中誰與共追游麋和鹿 牙齒脫鬢毛禿
地黃酒防風粥且閉門靜養不禁勞碌俗客從
教忙不了老人但以閒為福憑闌時還怕看青
山勞吾目

百字令

寄黃毅所

昔日南臺專執法清操凜如冰雪喬遷薇省向
閩中到處宣恩布澤桓典名高召公望重只尺
看調燮世路崎嶇豈料暫紆宦轍 自昔蘇軾
監州王祥別駕今芳名不滅莫道移官分半刺

總是濟人利物頃刻泥蟠須臾雷動變化應難
測版築魚鹽天豈虛生豪傑

百字令

寄呂沃洲翁

司馬中丞蕪秩重獨秉滇南節鉞寒帷號令似
風霆徼外傳聞震懾狂寇潛形逆酋授首指顧
成丕業威信征南不讓隆中豪傑 堪羨疏廣
見幾留侯知止早辭榮丹闕皆可園中能獨樂
忘却三槐九棘天送麒麟階生芝草樂壽還重
疊帝念耆賢只恐重徵安石

蝶戀花

送宋主簿

宋玉文章留譽早暫試干將結綬來豐鎬五載
司城清不擾囊無長物惟詩草 遷喬直過龍
城道此去聲名更比仇香好花封莫道官階小
春來且聽泥金報

沁園春

迎春作

斗柄回寅勾芒獻歲京兆郊迎看瑞日和風先
呈淑景縱金伐鼓早報春聲士女紛紜輪蹄來
往袷服新粧滿近城何幸見江南富貴海宇昇

平 逢君携過薨嬰便散睇高樓敞盡楹咲盤
出寒門慙非白玉菜傳近市聊辦葷羨喜歸卧
三山年臨八袞雙眼分明兩足輕願百歲長看
此景有酒同傾

附在京四首

水調歌頭

元旦雪集江南諸友

三元開令節六出散瓊花喜遇獻書詞客結伴
到京華梅萼光搖虛館栢葉香生滿座列炬起
昏鴉殊方鴻鴈跡今日聚天涯 看尊前俱少

壯際亨嘉便見彤庭射策待詔五雲車曾記釣
魚牛渚尚想眠雲鷺嶺同坐九仙家勝游吾土
好幽興昔年賒

前調

庚子除夕

燒燈除舊曆開宴接新年誰遣紆拖朱紫守歲
五雲邊自笑經綸無技幸遇勳華有道濫食大
官錢披裘吾獨穩市虎莫相喧 看天中雲乍
歛斗初旋底事韶光似電未老漸華顛且趁潘
輿矍鑠但着萊衣歡舞栢酒任教傳平生無穢

行窮達總陶然

前調

喜內弟至夜坐


一官遊魏闕兩歲別吳關何幸天涯見子開口
說平安特地長途命駕依舊清宵下榻彷彿夢
中還庭前蟾影白座上燭花丹 數親故能幾
日又凋殘若說帝京車馬縱好不如閑只爲白
頭甘旨惹得朱衣難解辜負石床寒雕籠非野
性豐草戀青田

滿庭芳

贈湛泉子送母還鄉

畫省冠裳正同心笑語忽奏離觴筵開金粟界
人出碧鷄坊山雨歇暮雲涼恰節轉清商看此
行板輿駟馬一路輝光 陳情上乞天王許暫
隨烏養且輟駕行白頭還故里紫氣滿高堂爲
君頌壽慈康建業趁時昌急還朝早書啓事莫
學潘郎

和潘郎



學齋波



吾敢壽慈氣數業茲却昌息數陣早書答事莫
 翻鳥養且舞鸞行白頭髮姑里紫屐戴高堂為
 行对輿醜黑一甜醜矣 刺射上之天王指獲
 入出雙鯨沙山兩揭暮雲京台嶺轉青商香地
 畫省宗棠五同心笑語忽奏鑿籟發開金粟界

